

四庫全書

史部

欽定四庫全書

政和五禮新儀卷六十四

吉禮

皇帝蜡東方西方百神儀中

車駕自大慶殿詣青城

前蜡一日陪祠文武官先詣祠所其日導駕官以下就位各服其服尚輦奉御進輿於大慶殿乘黃令進玉輅於宣德門內南向設千牛將軍一員位於輅前北向門

下侍郎一員位於左輔之前贊者二人位又於其前少

頃東上閣門御史臺太常寺分引左輔門下侍郎太僕

卿乘黃令詣大慶殿西階下立北向東上

乘黃令位宜後

次引

導駕官在其後分東西相向立以俟奉迎前導次管軍

臣僚次行宮使御營巡檢等又在其後禮直官通事舍

人引禮部侍郎奏請中嚴

凡左輔門下侍郎禮部侍郎奏請皆禮直官通事舍人引

少頃又奏外辦皇帝服通天冠絳紗袍乘輿以出降自

西階稱警蹕如常儀宣贊舍人贊左輔以下常起居次導駕

官常起居

已起居者止
奏聖躬萬歲

次管軍臣僚次行官使御營巡

檢等常起居

該宣名者
即宣名

太僕卿詣玉輅所攝衣而升正

立執轡導駕官前導皇帝出大慶殿門外至玉輅前

千牛將軍前跪執轡左輔進當輿前俛伏跪奏左輔具

官臣某言請皇帝降輿升輅奏訖俛伏興退復位

凡左
輔奏

請准

乘黃令稍前東向進玉輅皇帝降輿升輅太僕卿

正立授綏導駕官分左右出導門下侍郎進當輅前俛

伏跪奏門下侍郎具官臣某言請車駕進發奏訖俛

伏興退復位

凡門下侍郎
奏請准此

車駕動稱警蹕左輔先詣宣

德門內以俟門下侍郎及輦者夾侍以出千牛將軍夾
輅而趨車駕將及宣德門至侍臣上馬所門下侍郎奏
請車駕少駐勅侍臣上馬左輔前承旨退稱曰制可門
下侍郎傳制稱侍臣上馬贊者承傳勅侍臣上馬諸侍
衛之官各督其屬左右翊駕在黃麾內符寶郎奉八寶
前導殿中監後部從導駕官夾侍於前贊者在左輔門
下侍郎之前侍臣上馬畢次大內留守於宣德門外再拜

奉辭門下侍郎奏請車駕進發車駕動稱警蹕不鳴鼓
吹大駕鹵簿前導詣青城車駕將至青城東上閤門御
史臺分引陪祠文武官宗室客使禮直官贊者引行事

執事官俱詣齋殿門外立班再拜奉迎訖退

內已起居者止奏聖

躬萬福

車駕及門少駐文武侍臣皆下馬導駕官步導入

門車駕動千牛將軍夾輅而趨至行宮殿前迴輅南向
千牛將軍立於輅右左輔奏請皇帝降輅乘輿尚輦奉
御進輿於輅後皇帝降輅乘輿入齋殿侍衛如常儀導

駕官步導至殿門皇帝降輅歸殿後閣簾降通事舍人
承旨勅羣臣各還次學士院以祝冊授通進司進御書
訖付尚書禮部

如朝獻朝享即並如冬祀大
禮車駕自太廟詣青城儀

省牲器

省牲之日午後十刻去壇三百步禁行者未後二刻郊
社令帥其屬掃除壇之上下司尊彝帥府史及執事者
以祭器入設於位

凡設祭器皆藉以
席籩豆又加巾蓋

太府卿少府監陳

玉幣於篚

告潔畢
權徹

未後三刻禮直官贊者分引大禮使

以下詣東壝門外省牲位立定光祿丞執事者牽牲就

位禮直官贊揖贊者引大司樂入行樂架

凡亞終獻行事皆禮直官

太常博士引大禮使太宰左丞行事皆禮直官引餘官皆贊者引

次引禮部尚書升自

卯階

凡行事執事者升降皆自卯階

視滌濯次又引太宰申眡滌濯執

事者皆舉冪曰潔俱復位禮直官稍前曰告潔畢請省

牲次禮部尚書侍郎稍前省牲訖退復位次引光祿卿

出班巡牲一匝西向躬曰膋俱復位禮直官稍前曰省

牲畢請就省饌位贊揖訖引大禮使以下各就位立定

禮直官贊揖所司省饌具畢禮直官贊省饌畢贊揖訖俱還齋所光祿卿丞及執事者以次牽牲詣厨授太官令次引禮部尚書詣厨省鼎鑊視滌漑協律郎展視樂器乃還齋所晡後一刻太官令帥宰人以鸞刀割牲祝史各取毛血實於槃俱詣饌所遂烹牲郊社令帥其屬掃除壇之上下

奠玉幣

蜡日丑前五刻

行事用丑時七刻

諸蜡官及陪祠之官各服其

服郊社令與太史官屬入設神位版太府卿少府監入
陳玉幣光祿卿入實籩豆簋蓋太官令入實俎豆良醢
令入實尊彛樂正帥工人二舞以次入與執尊壘篚冪者
各就位次通事舍人等分引陪祠文武官及宗室客使
各入就位次禮直官贊官分引大禮使以下行事執事
官就卯階內墻門外揖位立定禮直官贊揖次引監察
御史次引大禮使入就位次引監察御史按視壇之上
下糾察不如儀者退復位尚輦奉御進興齋殿皇帝服

通天冠絳紗袍乘輿以出近侍及扈從之官導從至大
次門外皇帝降輿入次簾降禮儀使樞密院官太常卿
東上閤門官太常博士禮直官分立於大次外之左右
次引禮部侍郎詣前奏請中嚴少頃又奏外辦符寶郎
奉寶陳於宮架之北禮儀使當次前俛伏跪奏禮儀使
具官臣某言請皇帝行事奏訖俛伏興還侍立禮儀使
奏禮畢
准此簾卷皇帝服袞冕以出侍衛如常儀禮儀使以下前
道至中壘門外殿中監跪進大圭殿中少監副之凡殿
中監

進圭受圭皆少監副之 禮儀使奏請執大圭前導皇帝入自正門

侍衛不應入 協律郎跪俛伏舉麾興凡行禮執事者取物奠物皆跪俛伏

興 工鼓祝宮架儀安之樂作皇帝升降行止皆作儀安之樂 至午階位

西向立偃麾戛敵樂止凡樂皆協律郎跪俛伏舉麾工鼓祝而後作偃麾戛敵而後止

禮儀使以下分左右侍立凡行禮皆禮儀使樞密院官太常卿東上閤門官太常博

士禮直官前導至 禮儀使前奏有司謹具請行事官架

位即分立於左右 作景安之樂帝臨降康之舞六成止太常升煙燔牲首

先祿瘞血禮儀使奏請再拜皇帝再拜贊者曰再拜內

侍取玉幣於篚立於尊所次引太宰吏部尚書侍郎升

詣大明

明夜

神位前立太宰吏部尚書俱西向北上侍郎

東向禮儀使前導皇帝詣盥洗位宮架樂作至洗位北

向立樂止內侍酌水以進禮儀使奏請皇帝搢大圭盥

手內侍跪取巾於篚興以進皇帝悅手內侍受巾跪奠

於篚禮儀使奏請執大圭前導皇帝升壇大禮使從

皇帝

升降大禮使皆從左
右侍衛量人數升

宮架樂作至壇下樂止升自午階

登歌樂作至壇上樂止登歌嘉安之樂作殿中監跪進

鎮圭禮儀使奏請搢大圭執鎮圭前導皇帝詣大明

明夜

神位前北向立內侍前設纒藉於地禮儀使奏請跪奠
鎮圭於纒藉執大圭俛伏興又奏請搢大圭跪內侍加

玉於幣以授吏部尚書吏部尚書以授太宰太宰西向
跪以進禮儀使奏請受玉幣皇帝受奠訖吏部侍郎東

向跪受以興進奠于大明

明夜

神位前太宰吏部尚書侍

郎俱詣神農氏神位前以俟禮儀使奏請執大圭俛伏
興內侍取鎮圭纒藉詣神農氏神位前先設纒藉於地

禮儀使奏請再拜皇帝再拜訖樂止禮儀使前導皇帝
詣神農氏次詣后稷氏神位前東向奠幣並如上儀太
宰以下俱降復位禮儀使前導皇帝還版位登歌樂作
內侍舉鎮圭繅藉以鎮圭投殿中監以還有司皇帝降
階樂止宮架樂作至版位西向立樂止初皇帝將奠配
帝之幣贊者分引獻官俱詣盥洗搯笏盥手帨手執笏
詣從祀神位前搯笏跪奠幣執笏俛伏興再拜祝史執
事官各助奠訖退復位祝史奉毛血槃立於壝門外各

由其階升太祝迎於壝上進奠於神位前太祝與執事者退立於奠所

政和五禮新儀卷六十四

欽定四庫全書

政和五禮新儀卷六十五

吉禮

皇帝蜡東方西方百神儀下

進熟

蜡日有司陳鼎二於神厨各在鑊右太官令帥其屬皆

詣厨以七升牛於鑊實于一鼎

肩臂膈肱胙正脊一直脊一橫脊一長脊一短

脅一代脅一皆二骨以並正配位各一鼎

皆設扃冪祝史對舉於饌幔內重

行西向以南為上光祿實籩豆簋簋於饌幔內

籩實以粉養豆

實以糗餌簋實以梁簋實以稷

次引禮部侍郎詣饌所舐腥熟之節俟

皇帝升奠玉幣訖退位樂止引禮部尚書詣饌所執籩

豆簋簋以入戶部尚書詣饌所奉俎以入太官令引入

正門宮架豐安之樂作設饌於卯階下北向西上奉牲

者在東祝史抽扃委於鼎右除冪初鼎序入有司執七

及俎以從至卯階下各設於鼎西七加於鼎太官令以

七升牛載於一俎

肩臂膾在上端肫膈在下端脊脅在中正配位各一俎

鼎先退

祝史進徹毛血架以次引禮部尚書搢笏執籩豆簋簋

戶部尚書搢笏奉俎以升執事者各迎於壇上禮部尚

書奉籩豆簋簋於大明

夜

神位前北向跪奠蓋於下執

笏俛伏興有司設籩於糗餌前豆於醢醢前簋於稻前

簋於黍前次引戶部尚書奉俎詣大明

夜

位前北向跪

奠執笏俛伏興有司設於豆前次詣神農氏次詣后稷

氏神位前東向跪奠並如上儀樂止俱降復位太祝取

菹孺于醢祭於豆間三又取黍稷肺祭如初皆藉用茅

各還奠所次引太宰左丞詣大明神位前西向立以

明夜

北為上次引吏部侍郎詣爵洗位東向立禮儀使前導

皇帝詣盥洗位宮架樂作至洗位北向立樂止內侍酌

水以進禮儀使奏請搯大圭盥手內侍跪取巾於篚興

以進皇帝悅手內侍受巾跪奠於篚禮儀使奏請執大

圭前導皇帝詣爵洗位宮架樂作至洗位北向立樂止

吏部侍郎跪取爵於篚興以進禮儀使奏請搯大圭受

爵內侍酌水以進禮儀使奏請洗爵內侍跪取巾於篚

興以進皇帝拭爵內侍受巾跪奠於篚吏部侍郎受爵
升自午階禮儀使奏請執大圭前導皇帝升壇宮架樂
作至午階樂止升自午階登歌樂作至壇上樂止登歌

熙安之樂作

夜明用
凝安

吏部侍郎奉爵詣正位酌尊所西

向立執尊者舉冪良醞令酌太尊之泛齊訖先詣神農
氏位酌尊所北向立禮儀使前導皇帝詣大明夜神位

前北向立禮儀使奏請搢大圭跪禮部侍郎以爵授左
丞左丞授太宰西向跪以進禮儀使奏請執爵祭酒

三
祭

於茅
直

奠爵執大圭俛伏興又奏請皇帝少立樂止太宰

左丞具詣神農氏神位前北向立以俟舉冊官舉祝冊

進於大明

夜

神位之右讀冊官搢笏東向跪讀冊文讀

訖執笏興先詣神農氏神位前南向立禮儀使奏請再

拜皇帝再拜有司奠冊於大明

夜

神位前禮儀使前導

皇帝詣神農氏次詣后稷氏神位前酌獻並如上儀太

宰以下俱復位禮儀使前導皇帝還版位登歌樂作降

階樂止宮架樂作至版位西向立樂止禮儀使奏請還

小次宮架樂作至小次禮儀使奏請釋大圭殿中監跪
受大圭皇帝入小次簾降樂止文舞退武舞進宮架容
安之樂作舞者立定樂止初皇帝將詣小次禮直官太
常博士引亞獻官詣盥洗位北向立搯笏盥手帨手執
笏詣爵洗位北向立搯笏洗爵拭爵以授執事者執笏
升詣正位酌尊所西向立宮架作隆安之樂神保錫羨
之舞執事者以爵授亞獻亞獻搯笏執爵執尊者舉冪
太官令酌山尊之醴齊訖先詣神農氏位酌尊所北向

立亞獻官以爵授執事者執笏詣大明夜神位前北向

搯笏跪執事者以爵授亞獻亞獻執爵祭酒三祭于茅苴奠

爵執笏俛伏興少退北向再拜次詣神農氏次詣后稷

氏神位前酌獻並如上儀樂止降復位初亞獻行禮將

畢次禮直官太宰博士引終獻詣洗及升壇酌獻並如

亞獻之儀降復位於亞獻將升次分引諸位獻官詣盥

洗位搯笏盥手悅手執笏各由其階升詣從祀神位前

俱搯笏跪執爵三祭酒奠爵執笏俛伏興再拜降復位

次引太祝於神位之右跪讀祝文讀訖興退復位初皇帝既奠玉幣光祿以牛左臂一骨及長脅短脅俱二骨以並載於昨俎設於壇下飲福位之西俟終獻既升獻贊者引戶部尚書搏黍太祝太官令詣飲福位東向立奉俎豆爵酒者各位其後禮儀使奏請詣飲福位簾卷出次宮架樂作殿中監跪搢大圭禮儀使奏請執大圭前導皇帝詣飲福位將至位樂止宮架禧安之樂作皇帝至飲福位北向立尚醞典御執尊升詣酌尊所良醞

令酌上尊福酒合置一尊典御奉尊降詣飲福位以授殿中少監尚醞奉御執爵殿中少監酌之奉御以爵酒授殿中監殿中監西向捧以立禮儀使奏請再拜皇帝再拜殿中監跪以酌酒進禮儀使奏請搢大圭跪受爵祭酒於地啐酒奠爵殿中監跪授爵以興太祝帥執事者持俎進減神位前正脊二骨橫脊二骨加於俎上內侍受俎以授戶部尚書戶部尚書西向跪以進皇帝受俎奠之戶部尚書受俎以興復位太官令取黍於簋搏

以授太祝太祝受以豆東向跪以進皇帝授訖奠之太
祝受豆以興復位次殿中監再跪以爵酒進禮儀使奏
請受爵飲福酒奠爵殿中監受虛爵以興以授典御奉
御北向立執事者俱退復位禮儀使奏請執大圭俛伏
興又奏請再拜皇帝再拜樂止禮儀使前導皇帝還版
位宮架樂作至版位西向立樂止次引禮部尚書升壇
徹籩豆戶部尚書升壇徹俎籩豆俎各一登歌成安之
俱少移故處樂作徹樂止禮部戶部尚書降復位禮直官曰賜胙行

事陪祠官再拜贊者承傳曰賜胙再拜在位者皆再拜
送神宮架景安之樂作一成止

望燎

景安之樂畢禮儀使奏請詣望燎位前導皇帝詣望燎
位宮架樂作至位南向立樂止初賜胙再拜訖郊社令
以黍稷肺祭藉以白茅束之吏部侍郎帥太祝執篚進
詣神位前取玉幣祝冊藉以茅俎載牲體黍稷飮爵酒
各由其階降壇南行詣柴壇自南陞升以玉幣祝冊饌

物置於燎柴諸太祝各以星辰七宿以上幣帛祝版從
燎神農氏后稷氏嶽鎮以下幣帛祝版從瘞禮直官曰

可燎舉燿火燎壇火半柴瘞坎實土半坎

凡瘞先背脊視訖乃瘞

禮儀使奏禮畢前導皇帝還大次宮架樂作出中壝門
外禮儀使奏請釋大圭殿中監跪受大圭以還有司侍
衛如常儀皇帝至大次樂止禮部郎中奏解嚴引大禮
使以下詣卯階東內壝外揖位立禮直官贊禮畢揖訖
通事舍人引陪祠文武官及宗室客使以次出將士不

得輒離部伍

行宮齋殿受賀並如
各祀端成殿受賀儀

車駕還內

前期殿中監帥其屬尚舍設御幄於大慶殿門外之東
南大晟設宮架於宣德門外稍南其日禮畢所司轉仗
衛鹵簿於還途如來儀文武官宗室客使先詣宣德門
外就次以俟立班奉迎乘黃令進金輅於行宮殿外南
向千牛將軍一員執長刀立於輅右尚輦奉御進輿於
齋殿導駕官俱詣齋殿門外奉迎禮部侍郎奏請中嚴

少頃又奏外辦簾卷皇帝服通天冠絳紗袍乘輿以出

應導駕官並迎駕奏聖躬萬福

內祇應官贊謝皆再拜

太僕卿出

詣金輅所攝衣而升正立執轡皇帝乘輿降自西階至

金輅所左輔奏請降輿升輅太僕卿立授綏千牛將軍

馭駕如來儀門下侍郎奏請車駕進發

有司仍具大輦若乘輦即云降

輿乘輦

車駕動稱警蹕侍衛如儀至侍臣上馬所門下侍

郎奏請車駕少駐勅侍臣上馬左輔前承旨退稱曰制

可門下侍郎傳制稱侍臣上馬贊者承傳勅侍臣上馬

門下侍郎奏請車駕進發車駕動稱警蹕鼓吹及諸軍樂振作車駕將至宣德門外文武百官宗室客使立班再拜奏迎次大內留守見再拜訖退車駕至宣德門外少駐文武侍臣皆下馬步導千牛將軍降立於輅右車駕動千牛將軍夾輅而趨大樂正奏采茨之樂入門樂止車駕至御幄前左輔奏請降輅乘輿

若乘輦即奏云降輦

皇帝

降輅乘輿以入禮部郎中奏解嚴通事舍人承旨勅羣

官各還次將士各還其所

若大赦並如冬祀大禮宣德門肆赦儀

政和五禮新儀卷六十五

欽定四庫全書

政和五禮新儀卷六十六

吉禮

蜡東方西方百神儀

有司行事

時日

齋戒

陳設

省牲器

奠玉幣

進熟

望燎

時日

太常寺預於隔季以季冬臘前一日蜡祭東方西方百
神闕太史局太史局以其日報太常寺太常寺參酌禮
具時日散告

齋戒

前蜡十日受誓戒於尚書省其日五鼓贊者設位版於公相廳下吏部尚書在左刑部尚書在右並南向初亞終獻官位於其南稍東北向西上監察御史位於其西稍北東向光祿卿兵部工部郎中大樂令光祿丞位於其南稍西北向東上

大樂令光祿丞位稍却

奉禮郎太祝郊社太

官令位於其東西向北上質明禮直官贊者引行事執事官就位立定禮直官引吏部尚書由公相廳降階就位禮直官贊揖在位者對揖吏部尚書搢笏讀誓文云

某月某日季冬臘前一日蜡祭於東方西方百神各揚其職不共其事國有常刑讀訖執笏禮直官贊奉禮郎太祝郊社太官令先退餘官對拜乃退散齋七日治事如故宿於正寢不弔喪問疾作樂判書刑殺文書決罰罪人及與穢惡致齋三日

光祿卿丞郊社太官令齋一日

二日於本司

無本司者於太常齋舍質明至齋所

唯蜡事得行其餘悉禁前蜡一日質

明俱赴祠所齋宮官給酒饌蜡官已齋而闕者通攝行

事

陳設

前蜡三日儀鸞司設行事執事官次於壇壝門外隨地之宜設饌幔於內壝東門外道北南向前二日光祿牽牲詣祠所前一日郊社令帥其屬掃除壇之上下太常

設正配神位席太史設正配神位版於壇上

凡設神位版皆郊社

令監視

太常設祭器

凡設祭器皆藉以席邊豆又加巾蓋

以俟告

既畢權徹

光祿

陳牲於卯階之東南內壝外西向祝史各位於牲後太常設省牲位於牲西三獻官禮官在南北向光祿卿兵

部工部郎中大樂令光祿丞奉禮郎太祝郊社太官令

在北南向俱西上

凡設大樂令光祿丞以下位皆稍却

監察御史於光祿

卿之西少絕光祿陳禮饌於壇之東南內壇外南向太

常設省饌位版於禮饌南三獻官禮官在南北向西上

監察御史在西東向光祿卿兵部工部郎中大樂令光

祿丞奉禮郎太祝郊社太官令在東西向北上大晟設

登歌之樂於壇上稍南北向蜡日丑前五刻禮直官贊

者諸司職掌各服其服太常設神位席太史設神位版

於壇之上下大明位

西蜡設夜明位後准此

於壇上北方南向席

以稟結神農后稷位於壇上東方西向北上歲星句芒

田峻位於卯階之南西向北上

西蜡設太白尊收田峻

角亢氐房

心尾箕七宿壽星大火析木位於子階之東南向東上

西蜡設奎婁胃昂畢觜參七宿實沉降婁大梁

東嶽鎮海山林川澤丘陵墳衍

原隰井泉位於子階之西南向東上

西蜡設西方嶽鎮海瀆以下

青

龍水壩坊虎鱗介羽毛郵表暉羸猫昆蠱位於其後東

上

西蜡設白虎不設青龍餘同東蜡

席以莞太常陳玉於神位之左

以玉

圭璧盛以匣
燭玉用珉
禮神之玉幣於神前燭玉加於幣
配位不用玉

陳幣筐於神位之左
大明以赤夜明以白配位及歲星以青
祝版案於神

位之右置於次次設祭器光祿實之正配位各左十有

二籩為三行以右為上
第一行形鹽在前魚鱸糗餅粉糈食次之第二行棗實在前乾桃乾栗

乾蘄次之第三行菱
在前茨稟鹿脯次之
右十有二豆為三行以左為上
第一

行芹菹在前荀菹葵菹菁菹次之第二行韭菹在前配
食魚醢兔醢次之第三行豚拍在前鹿鷄醢醢糝食次

之俎二一在籩前
實以羊腥七體兩髀兩肩并脊兩一髀在兩端兩肩兩脅次之脊在中一

在豆前
實以豕腥七體其載如羊
又俎四在豆右為二重以北為

上

第一重一實以羊腥腸胃肺離肺一在上端判肺三

次之腸三胃三又次之一實以豕腥膚九橫載第二

重一實以羊熟腸胃肺一實以豕熟其載如

腥皆羊在左豕在右若配位即以東為上 登一在遠

豆間

實以大羹

簋二簋二在遠豆外簋在左簋在右

簋實以稻梁

在稻前簋實以黍稷

設犧尊五為二重在壇上東南隅北向

西上

配位即設於正位酒尊之東

犧尊在前皆有坫勺冪為酌尊

犧尊

一實明水為上尊餘實泛齊代以供內法酒初獻酌之象尊一實明水為上尊餘實醴齊代以祠祭法酒亞終

獻酌

又設太尊二山尊二在神位前

太尊一實泛齊山尊一實醴齊各以

一尊實

著尊二犧尊二在壇下午階之西

著尊一實盞齊犧尊一實

醴齊各以一尊實明水若配位即設於壇下西階之北

象尊二壺尊六在壇下子

階之東

象尊一實明水一實沉齊壺尊三實玄酒三實明水玄酒皆在上若配位即設於壇下西階之

南

俱北向西上

若配位即東向北上

皆加冪五齊三酒設而不酌

又設從祀神位每位各左二籩

桌在前鹿脯次之

右二豆

菁菹在前

鹿鷄次之

俎一在籩豆前

實以羊豕脰肉

爵一次之

實以祠祭法酒

簋一簋

一在爵之前簋在左簋在右

簋實稷蓋實黍

太常設酒於神位

前又設俎六於饌幔內洗二於卯階東北向

盥洗在東爵洗在西

壘在洗東加勺篚在洗西南肆實以巾

若爵洗之篚則又實以爵加玷

禮官盥洗各於陛道之左俱內向執罍篚者位於其後

又設揖位於卯階之東內壝之外如省牲位

唯不設光祿卿丞郊

社位

令

積柴於燎壇開瘞坎於西北壬地方深取足容物

南出陛又設望燎位於燎壇之北三獻官禮官在北南

向西上監察御史在西東向兵部工部郎中大樂令奉

禮郎太祝在東西向北上設望瘞位於瘞坎之南如省

饌位

唯不設光祿卿丞位

設三獻官禮官席位於卯階之東北西

向南上兵部工部郎中席位於卯階之東南西向北上

設監察御史大樂令位於子階之南北向奉禮郎太祝
太官令位於其後俱西上設光祿卿席位於監察御史
之東北向又設監察御史位於壇上樂簏之北在西東
向奉禮郎太祝在東西向北上大樂令在樂簏之北太
官令在酌尊所俱北向

省牲器

前蜡一日行事執事官集獻官齋所肄儀太祝習讀祝
文視玉幣及神位版訖並赴壇所各就次禮直官贊者

分引行事執事官詣壇東省牲位

凡初獻行事禮直官引餘官皆贊者引

立定禮直官贊揖次引監察御史升自卯階

凡行事執事官升階

皆自卯階視滌濯執事者舉幕曰潔降復位禮直官稍前曰

告潔畢請省牲太祝出班巡牲一匝詣初獻前西向躬

曰充復位光祿丞出班巡牲一匝詣初獻前西向躬

曰臚退復位禮直官贊省牲畢請詣省饌位揖訖引行

事執事官各就位立定禮直官贊揖所司省饌具鼎禮

直官贊省饌訖俱還齋所光祿丞太祝以次牽牲詣厨

授太官令次引監察御史詣厨省鼎鑊視祭器滌漑乃
還齋所未後一刻太官令帥宰人以鸞刀割牲遂烹
牲脯後郊社令帥其屬掃除壇之上下訖還齋所

奠玉幣

蜡日丑前五刻

行事用丑
時七刻

初獻以下並赴壇所就次郊

社令先入視設神位版訖退次太官令帥其屬實饌具
畢次引光祿卿入詣午階南席位北向立贊者曰再拜
光祿卿再拜升壇點視禮饌畢次引監察御史升壇點

閱陳設糾察不如儀者

凡點視及點閱皆先詣正位

次樂正帥工人

升卯階各就位光祿卿還齋所餘官各祭服次引行事
執事官各就卯階東西壝外揖位立定禮直官贊揖次引
大樂令先入就位卯階南席位北向立贊者再拜大樂
令再拜升壝就位次引監察御史奉禮郎太祝太官令
入就午階南次位北向立次引三獻官禮直官兵部工
部郎中入就卯階東席位西向立禮直官稍前贊有司
謹具請行事熙安之樂作六成止太常升烟燔牲首贊

者曰再拜在位者皆再拜次引監察御史奉禮郎太

祝太官令俱升壇各就位立定

太官令詣正位酌尊所

次引初

獻官詣盥洗位肅安之樂作

凡初獻升降行止皆作肅安之樂

至洗

位北向立搯笏盥手帨手執笏升壇詣大明

夜神位

前北向立樂止欽安之樂作搯笏跪次引奉禮郎搯

笏西向跪執事者以玉幣授奉禮郎奉禮郎以玉幣

授初獻執笏興先詣帝神農氏位前北向立初獻官受

玉幣奠訖執笏俛伏興再拜次詣后稷氏位前東向立

酌獻詣配奠幣如上儀樂止奉禮郎復位初獻將降壇

樂作復位樂止

進熟

蜡日有司設鼎六於神厨各在鑊右光祿帥進饌者詣

厨以匕升羊於鑊實於一鼎

肩臂膈肫脰正脊一直脊一橫脊一長脅一短脅一

代脅一皆二骨以並正配位各一鼎

皆設扃幕祝史對舉入設於饌幔內

俟初獻既升奠玉幣入陳於卯階下西向南上祝史抽扃委於鼎右除幕初鼎序入有司執匕及俎以從至卯

階下俎各設於鼎西七加於鼎光祿以七升羊載於一

俎

肩胛肺在上端肫脰在下端肩胛在中

次升豕如羊載於一俎

正配位設羊豕

各一

鼎先退次引兵部工部郎中詣卯階下搯笏奉俎

兵部奉羊工部奉豕

升壇承安之樂作詣大明神位前北面跪奠

先薦豕各執笏俛伏興有司設於豆右腸胃之前

羊在左豕

在右次詣配位前東向奉俎如上儀樂止俱降復位次詣

初獻再詣盥洗位樂作至洗位北向立搯笏盥手帨手

執笏詣爵洗位北向立搯笏洗爵拭爵以授執事者執

笏升詣正位酌尊所西向立樂止禋安之樂作執事者以爵授初獻初獻搯笏執爵執尊者舉冪太官令酌犧尊之泛齊訖先詣帝神農氏酌尊所北向立

次詣后稷氏准此

執事者以爵授初獻初獻執爵三祭酒奠爵執笏俛伏興少立樂止次引太祝詣神位前東向搯笏跪讀祝文訖

執笏俛伏興先詣帝神農氏神位前西向立

次詣后稷氏准此

初獻再拜詣帝神農氏次詣后稷氏神位前酌獻並如上儀樂止太官令復詣正位酌尊所太祝復位初獻將降

壇樂作復位樂止次引亞獻詣盥洗位北向立搯笏洗爵拭以授執事者執笏升詣正位酌尊所西向立慶安之樂作執事者以爵授亞獻亞獻搯笏執爵執尊者舉罍太官令酌象尊之醴齊訖先詣帝神農氏酌尊所北向立亞獻以爵授執事者執笏詣大明神位前北向立搯笏跪執事者以爵授亞獻執爵三祭酒奠爵執笏俛伏興再拜次詣帝神農氏位次詣后稷氏神位前酌獻並如上儀樂止降復位次引終獻詣洗及升壇行禮並

如亞獻之儀降復位亞獻將獻引禮官各詣盥洗位搯
笏盥手悅手執笏詣諸從祀神位前搯笏跪執爵三祭
酒奠爵執笏俛伏興少立次詣太祝各於神位之右搯
笏跪讀祝文讀訖執笏興復位禮官再拜復位禮直官
曰賜胙贊者承傳曰賜胙再拜在位者皆再拜訖送神
宣安之樂作一成止

望燎

初宣安之樂畢引三獻官禮官兵部工部郎中詣望燎

位有司各詣神位前取玉帛祝版置於燎壇

神農嶽鎮以下帛

皆置於瘞坎

次引監察御史大樂令奉禮郎太祝降壇詣望

燎位立定禮直官曰可燎火燎半柴次引初獻以下詣

望瘞位禮直官曰可瘞實土半坎引初獻以下詣東壇

門外揖位立定禮直官贊禮畢揖訖退太官令帥其屬徹

禮饌監察御史詣壇監視收徹訖退還齋所光祿卿以

昨奉進監察御史就位展視訖光祿卿望闕再拜乃退

政和五禮新儀卷六十六

欽定四庫全書

史部

政和五禮新儀卷

六十七至
七十九

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣姜今熙

欽定四庫全書

政和五禮新儀卷六十七

吉禮

蜡南方北方百神儀

時日

齋戒

陳設

省饌

行事

時日

太常寺預於隔季以季冬臘前一日蜡南北方百神關
太史局太史局以其日報太常寺參酌訖具時日散告

齋戒

前蜡五日應行事執事官散齋三日治事如故宿於正
寢不吊喪問疾作樂判書刑書決罰罪人及與穢

惡致齋二日

光祿少卿太官令齋一日

一日於本司

無本司於太常齋舍質明至齋

所
唯蜡事得行其餘悉禁前蜡一日質明俱赴祠所官
給酒饌蜡官已齋而闕者通攝行事

陳設

前蜡三日儀鸞司設行事執事官次於壇壝門外量地
之宜前二日光祿牽牲詣祠所前一日陳禮饌於齋宮
太常設省饌位版於禮饌之南三獻官在南北向西上
分獻官在其後監察御史在西東向光祿少卿大樂令
奉禮郎太祝太官令在東西向北上

凡設奉禮郎以下位皆稍却

大

歲設登歌之樂於壇上稍南北向蜡日丑前五刻禮直
官贊者諸司職事各服其服太常設神位席太史設神
位版於壇之上下神位版於壇上北方南向后稷位於
壇上東方西向席皆以莞熒惑祝融田畯位於卯階之

南北向

北蜡設辰星
五枵田畯

井鬼柳星張翼軫七星鶉火鶉尾

鶉首位於子階之西西上

北蜡設斗牛女虛危室
壁七宿星紀五枵姬訾

南嶽

鎮海瀆山林川澤丘陵墳衍原隰井泉位於子階之西

東上

北蜡設北方嶽
鎮海瀆以下

朱雀水墉坊虎鱗羽介毛郵表畷

羸貓昆蟲位於其後東上

北蜡設玄武不設
朱雀餘同南蜡

中嶽鎮山

林川澤丘陵墳衍原隰井泉位於午階之西騏驎水壙

坊虎鱗羽介毛毳表啜羸貓昆蟲位於其後西上

北蜡不設

席皆以莞太常陳幣篚於神位之左

正配位幣以青
五星幣以黝

祝

版各於神位之右置於坵次設祭器皆藉以席光祿寔

之正配位各左十籩為三行以右為上

第一行乾籩在
前乾棗形鹽魚

籩次之第二行鹿脯在前榛實乾
挑次之第三行菱在前芡棗次之

右十豆為三行以左

為上

第一行芹菹在前筍菹葵菹菁菹次之第二行韭
菹在前魚醢兔醢次之第三行豚拍在前鹿醢醢

醢次 俎二一在籩前 實以羊脰七體兩髀在兩端兩肩次之脊在中

一在豆前 實以豕脰七體其載如羊 又設俎六在豆右為三重以北

為上 第一重一實以羊脰腸胃肺離肺一在上端刺肺三次之一實以豕脰膚九橫載第二重一實以羊

熟腸胃肺一實以豕脰膚其載如脰第三重一實以羊熟十一體肩臂臑肱脰正脊一直脊一橫脊一長脊一

短脊一代脊一皆二骨以並肩臂臑在上端肱脰在下端脊骨平中一實以熟豕十一體其載如羊皆羊在左

豕在右若配位 簋二籩二在籩豆外二俎間簋在左籩

在右 籩實以稻梁梁在稻前籩實以黍稷稷在黍前 釶三在籩豆間 實以羹加芼滑 登

二一在鉶前 實以大羹 一於籩豆之左 實以肝膾 槃一在鉶後 實以

毛血 設犧尊四象尊四為重在壇上東南隅北向西上位配

即設於正位 犧尊在前皆有坫加勺罍為酌尊 犧尊二
酒尊之東 寔明水

為上尊餘實泛齊代以供內法酒初獻酌之象尊一實
明水為上尊餘寔醴齊代以祠祭法酒亞終獻酌之

又設太尊二山尊二在神位前 太尊一實泛齊山尊一
實醴齊各以一尊實明

水 著尊二犧尊二象尊三壺尊六在壇下 著尊一實盞
齊犧尊一實

醴齊象尊一實沉齊各以一尊實明水壺 俱北向西上
尊三實玄酒三實三酒明水玄酒皆在上

若配位即 皆加罍五齊三酒設而不酌又設配位諸神
東向北上

每位各左二籩 罍在前 鹿
脯次之 右二豆 菁菹在前
鹿韮次之 俎一在籩

豆前

實以羊豕鹿肉

爵一次之

實以祠祭法酒

簋一 簋一 在爵之前 簋

在左 簋在右

簋實稷 簋實黍

各設酒二於神位之左 卯階酉階

各三位

北方位 卯階南三位

設象尊二于階西前十五位 設蜃尊

二山尊 二後十二位 設散尊二于階西前十三位 設蜃

尊二山尊 二後十二位 設散尊二

北方不設午階前後位

子階東

十二位 設壺尊二

並實以祠祭法酒

太常設燭於神位前 洗二

於卯階之東

盥洗在東 爵洗在西

壘在洗東 加勺 篚在洗西南 肆

實以巾

若爵洗之 篚則又實以爵加拈

執壘 篚者位其後 設揖位於卯

階東內墻之外三獻官在南北向分獻官位於其後監察御史大樂令奉禮郎太祝太官令在北南向俱西上開瘞坎於西北壬地方深取足容物南出陞積柴於燎

壇設望瘞位於壇北如省饌之位

唯不設光祿少卿太官令位

設望

燎位於壇南三獻官在北南向西上分獻官位於其後監察御史在西東向太樂令奉禮郎在東俱北上設三獻官席位於卯階之東南向北上分獻官位於其後監察御史太樂令位於子階之南北向奉禮郎太官令位

於其後俱西上光祿少卿席位於監察御史之東北向
又設監察御史位於壇上樂簾之北在西東向奉禮郎
太祝在東西向北上大樂令於樂簾之北太官令於酌
導所俱北向

省饌

前蜡一日行事執事官集初獻齋所肄儀太祝習讀祝
文及祝幣神位版次禮直官贊者分引行事執事官就
省饌位立定

凡初獻行事禮直官
引餘官皆贊者引

禮直官贊揖訖所司

省饌具畢禮直官贊省饌畢揖訖俱還齋所次引監察御史未後一刻太官令帥宰人以鸞刀割牲祝史以槃取毛血置於饌所遂烹牲脯後有司帥其屬掃除壇之上下訖還齋所

行事

蜡日丑時五刻

行事用丑時七刻

初獻以下並赴壇就次太官

令帥其屬實饌具畢次引光祿少卿入詣午階南席位北向立贊者曰再拜光祿少卿再拜升自卯階

行事執事官升

階皆自
卯階

點視禮饌畢次引監察御史升壇點閱陳設糾

察不如儀者

凡點視及點閱
皆先詣正位

次樂正帥工人升卯階各

入就位光祿少卿還齋所餘官各服祭服次引行事執
事官詣卯階東揖位立定禮直官贊揖次引大樂令先
入就壇下席位北向立贊者曰再拜升壇就位次引監
察御史奉禮郎太祝太官令就下席位北向立次引初
獻以下入就壇下席位西向立禮直官稍前贊有司謹
具請行事簡安之樂作三成止光祿瘞血訖贊者曰再

拜在位者皆再拜次引監察御史奉禮郎太祝太官令

俱升壇各就位

太官令就正位酌尊所

立定次引初獻詣盥洗位

穆安之樂作

凡初獻行止皆作穆安之樂

至洗位北向立搯笏盥手

執笏升詣神農氏位前北向立樂止吉安之樂作搯笏

跪次引奉禮郎搯笏西向跪執事者以盥授奉禮郎奉

禮郎奉幣跪授初獻執笏興先詣后稷氏神位前北向

立初獻受幣奠訖執笏俛伏興少退再拜次詣后稷氏

神位前東向立

酌獻詣配位准此

奠幣如上儀樂止奉禮郎復

位初獻將降壇樂作復位樂止少頃引初獻再詣盥位
樂作至洗位北向立搯笏盥手悅手執笏詣爵洗位北
向立搯笏洗爵拭爵以授執事者執笏升詣正位酌尊
所西向立樂止禋安之樂作執事者以爵授初獻初獻
搯笏執尊者舉冪太官令酌犧尊之泛齊訖先詣配位
酌尊所北向立初獻以爵授執事者執笏詣神農氏位
前北向立搯笏跪執事者以爵授初獻初獻執爵三祭
酒奠爵執笏俛伏興少立樂作次引太祝詣神位前東

向搯笏跪讀祝文讀訖執笏興先詣后稷氏神位前東
面搯笏獻再拜次詣后稷氏神位前南向立初獻再拜
次詣后稷氏神位前酌獻並如上儀樂止太官令復位
詣正位酌尊所太祝復位初獻將降壇樂作復位樂止
次引亞獻詣盥洗位北向立搯笏盥手悅手執笏詣爵
洗位北向立搯笏洗爵拭爵以授執事者執笏升詣正
位酌尊所西向立曼安之樂作職事者以爵授亞獻亞
獻搯笏執爵執尊者舉幕大官令酌象尊之醴齊及先

詣配位酌尊所北向立亞獻以爵授執事者執笏詣神農氏位前北向立搯笏跪執事者以爵授亞獻亞獻執爵三祭酒奠爵執笏俛伏興再拜次詣后稷氏神位前酌獻並如上儀樂止降復位次引終獻詣洗及升壇行禮並如亞獻之儀降復位初亞獻將升引分獻官詣盥洗位搯笏盥手帨手執笏詣壇下諸神位前搯笏奉禮卽跪授幣奉奠訖執爵三祭酒奠爵執笏俛伏興太祝各於神坐之右跪讀祝文讀訖太祝復位分獻官再拜

俱復位禮直官曰賜胙贊者承傳曰賜胙再拜在位者

皆再拜送神代安之樂作一成止次引三獻官分獻官

詣望瘞位有司者詣神位前取幣祝版置於瘞坎

熒惑辰星

等幣皆置於燎柴

次監察御史大樂令奉禮郎太祝詣望燎前

位立定禮直官曰可瘞實土半坎引初獻以下詣望燎

位禮直官曰可燎火燎半柴引初獻以下詣卯階揖位

立定禮直官贊禮畢揖訖退太官令帥其屬徹禮饌監

察御史詣壇監視收徹乃退

欽定四庫全書

政和五禮新儀
卷六十七

九

政和五禮新儀卷六十七

欽定四庫全書

政和五禮新儀卷六十八

吉禮

祀帝雩儀

時日

齋戒

陳設

省饌

奠幣

薦饌

望燎

時日

太常寺預於隔季以夏土王日祀帝廟關太史局太史局以其日報太常寺太常寺參酌訖具時日散告

齋戒

前祀十日受誓戒於尚書省其日五鼓贊者設位版於

公相廳下初獻官在左刑部尚書在右並南向亞終獻
位於其西稍北東向戶部尚書太司樂光祿卿太樂令
光祿丞位於其南稍西北向東上

大樂令光祿丞位稍却

奉禮協

律郎太祝郊社太官令位於其東西向北上質明贊者
引行事執事者就位立定禮直官引初獻降階就位禮
直官贊揖在位者對揖初獻搢笏讀誓文云某月某日
季夏土王日記帝禹各揚其職不共其事國有常刑讀
訖執笏禮直官贊奉禮協律郎太祝郊社太官令先退

餘官對拜乃退散齋七日治事如故宿於正寢不弔喪

問疾作樂判書刑殺文書決罰罪人及與穢惡致齋三

日

光祿卿丞太官令齋一日

二日於本司

無本司者於太常齋舍贊明至齋所

唯祀事

得行其餘悉禁前祀一日質明俱赴祠所齋官給酒饌祀官已齋而闕者通攝行事

陳設

前祀三日儀鸞司設行事執事官次於齋宮之內隨地之宜設饌幔於墻外前一日郊社令帥其屬掃除殿之

內外太常設祭器

凡設祭器皆藉以席籩豆又加巾蓋

以俟告潔

既畢

設

告潔位於殿東門外三獻官在西東向戶部尚書大司

樂光祿卿大樂令光祿丞奉禮協律郎太祝郊社太官

令在東西向北上

凡設大樂令以下皆稍却

監察御史位於戶部尚

書之北少絕光祿陳禮饌於東門外南向太常設省饌

位版於禮饌之南三獻官在南北向西上監察御史在

西東向戶部尚書大司樂光祿卿大樂令光祿丞奉禮

協律郎太祝郊社太官令在東西向北上大晟設登歌

之樂於殿上稍南北向設宮架於庭中立舞表於鄮綴之間祀日丑前五刻禮直官贊者諸司職掌各服其服太常陳幣篚於神位之左

幣以黃

祝版於神位之右置於

坵次設祭器光祿實之左十有二籩為三行以右為上

第一行形鹽在前梨換餌粉養次之第二行榛實在前乾桃乾蓀乾栗次之第三行菱在前芡栗乾柿次之

右十有二豆為三行以左為上

第一行芹菹在前筍菹菁菹葵菹次之第二行

蕤在前蒿苳松脯菹脯次之第三行醢食在前瓜齏醬糝食次之

豆一在籩前

實以乳餅 籩

二簋二在籩豆外籩在左籩在右

籩實以稻梁梁在稻前籩實黍稷稷在黍

前設太尊五山尊五為二重在殿上東南隅北向西上

太尊在前皆有坩加勺冪為酌尊

太尊一實明水為上尊餘實以泛齊代以

供內法酒初獻酌之山尊一實明水為上尊餘實以醴齊代以祠祭法酒亞終獻酌之

又設太尊

二山尊二於神位前

太尊一實泛齊山尊一實醴齊各以一尊實明水

著尊二

犧尊二象尊二壺尊六在下

著尊一實盞齊犧尊一實醴齊象尊一實沉齊各以

一尊實明水壺尊三實玄酒三實三酒明水玄酒皆在上

俱北向西上皆加冪五齊

三酒設而不酌太常設燭於神位前設俎於饌幔內設

洗二於殿庭之東南直東雷

盥洗在東爵洗在西

執壘篚者位在

其後又設揖位於殿東之外如告潔位

唯不設光祿卿丞位

積燎

柴於殿之南門外設望燎位於其北三獻官在北南向

西上監察御史在西東向戶部尚書大司樂大樂令奉

禮協律郎太祝郊社令在東西向北上又設三獻官席

位於殿庭之東西向南上戶部尚書於其南西向監察

御史席位於殿庭之南奉禮郎太祝郊社太官令位於

其後大司樂大樂令席位於監察御史之東協律郎位

於其後光祿卿席位於太司樂之東俱北向西上又設

監察御史於殿上前楹西東向奉禮郎太祝郊社令在
東西向北上大樂令於樂廡之北太官令於酌尊所俱
北向協律郎位二一於殿上前楹間稍西一於宮架西
北俱東向大司樂位於宮架北北向

省饌

前祀一日行事執事官集初獻齋所肄儀太祝習讀祝
文及視幣訖俱詣殿門外次禮直官贊者分引行事執
事官詣殿東門外告潔位

凡初獻行事禮直官
引餘官皆贊者引

立定禮

直官贊揖次引大司樂入行樂架次引監察御史升殿
視滌濯執事者舉幕曰潔降復位禮直官稍前曰告潔
畢請詣省饌位揖訖引行事執事官各就位立定禮直
官贊揖所司省饌具畢禮直官贊省饌畢揖訖俱還齋
所次監察御史詣厨視祭器滌漑協律郎展視樂器乃
還齋所晡後郊社令帥其屬掃除殿之内外訖還齋所

奠幣

祀日丑前五刻

行事用丑
時七刻

初獻以下並赴殿門外就次

樂正帥工人二舞入就位

登歌工人候監察御史
點閱訖升殿各就位

次太

官令帥其屬寔饌具畢次引光祿卿入詣殿下席位北向立贊者曰再拜光祿卿再拜升殿點視禮饌畢次引監察御史升殿點閱陳設糾察不如儀者光祿卿還齋所餘官各服祭服次引行事執事官詣殿東門外揖位立定禮直官贊揖次引大司樂大樂令協律郎先入就殿庭席位北向立贊者曰再拜大司樂以下皆再拜各就位次引監察御史奉禮郎太祝郊社太官令入就殿

庭席位北向立次引初獻戶部尚書亞終獻俱入就殿

庭席位西向立禮直官稍前贊曰有司謹具請行事協

律卽跪俛伏舉麾興工鼓祝宮架作景安之樂帝臨嘉

至之舞六成偃麾戛敵樂止

凡樂皆協律卽跪伏舉麾興工鼓祝而後作偃麾戛

敵而後止贊者曰再拜在位者皆再拜次引監察御史奉禮

郎太祝郊社太官令俱升殿各就位立定次引初獻詣

盥洗位宮架正安之樂作

初獻升降行止皆作正安之樂

至洗位北向

立搯笏盥手帨手執笏升殿樂止登歌樂作詣帝尊神

位前北向立樂止登歌嘉安之樂作搢笏跪次引奉禮
郎搢笏西向跪執事者以幣授奉禮郎奉禮郎以幣授
初獻執笏興復位初獻受幣奠訖執笏俛伏興再拜樂
止初獻將降階登歌樂作降階樂止宮架樂作復位樂
止

薦饌

祀日光祿帥其屬以饌實于俎陳於饌幔內初獻既升
奠幣祝史入陳於殿階下北向次引戶部尚書詣階下

搯笏奉俎升殿宮架豐安之樂作詣席爵神位前北向
跪奠執笏俛伏興有司設於豆前樂止降復位次引初
獻再詣盥洗位宮架樂作至位北向立搯笏盥手帨手
執笏次詣爵洗位北向立搯笏洗爵拭爵以授執事者
執笏升殿樂止登歌樂作詣酌尊所西向立樂止登歌
嘉安之樂作執事者以爵授初獻初獻搯笏執爵執尊
者舉冪太官酌太尊之泛齊初獻以爵授執事者執
笏詣帝爵神位前北向立搯笏跪執事者以爵授初獻

初獻執爵祭酒三祭於茅苴奠爵執笏俛伏興少立樂止次引詣神位前東向搢笏跪讀祝文讀訖執笏興復位初獻再拜將降階登歌樂作降階樂止宮架樂作復位樂止文舞退武舞進宮架正安之樂作舞者立定樂止次引亞獻詣盥洗位北向立搢笏盥手帨手執笏次詣爵洗位北向立搢笏洗爵拭爵以授執事者執笏升殿詣酌尊所西向立宮架作大安之樂神娛錫羨之舞執事者以爵授亞獻搢笏執爵執尊者舉幕太官令酌

山尊之醴齊亞獻以爵授執事者執笏詣帝屬神位前
北向立搢笏跪執事者以爵授亞獻亞獻執爵祭酒三
祭於茅苴奠爵執笏俛伏興再拜樂止降復位次引終
獻詣洗及升殿行禮並如亞獻之儀降復位次引太祝
徹籩豆籩豆各一少移故處登歌肅安之樂作卒徹樂止次引郊
社令束茅訖俱復位禮直官曰賜福酒贊者承傳曰賜
福酒再拜在位者皆再拜送神宮架景安之樂作一成

止

望燎

初景安之樂畢引三獻官戶部尚書詣望燎位宮架樂作
至位樂止有司詣神位前取幣祝版置於燎柴次引監
察御史大司樂大樂令奉禮協律郎太祝郊社令詣望
燎位立定禮直官曰可燎火燎半柴次引初獻以下詣
殿東門外揖位立禮直官贊禮畢揖訖退太官帥其屬
徹禮饌監察御史詣壇監視收徹訖退

政和五禮新儀卷六十八

欽定四庫全書

政和五禮新儀卷六十九

吉禮

祀八鼎儀

時日

齋戒

陳設

省饌

行事

時日

太常寺預於隔季以立春日祀牲鼎於九成宮闕太史

局

春分日祀蒼鼎立夏日祀置鼎夏至日祀彤鼎立秋日祀阜鼎秋分日祀晶鼎立冬日祀魁鼎冬至日祀

寶鼎太史局以其日報太常寺太常寺參酌訖具時日

散告

齋戒

前祀五日應行事執事官散齋三日治事如故宿於正

寢不弔喪問疾作樂判書刑殺文書決罰罪人及與穢

惡致齋二日

光祿少卿太官令齋一日

一日於本司

無本司者於太常齋舍質明至

所齋

唯祀事得行其餘悉禁前祀一日質明俱赴祠所齋

宮官給酒饌祀官已齋而闕者通攝行事

陳設

前祀一日有司掃除宮之内外光祿陳禮饌於齋宮太
常設省饌位版於禮饌之南三獻官在南北向西上監
察御史在東西向光祿少卿大樂令奉禮郎太祝太官

令在東西向北上

凡設奉禮卽以下位皆稍却

大晟設登歌之樂於

殿前祀日丑前五刻禮直官贊者諸司職掌各服其服

太常陳幣篚於神位之左

幣隨方色

祝版於神位之右置於

坵次設祭器皆藉以席光祿實之左十籩為三行以右

為上

第一行乾梅在前乾棗形鹽梨次之第二行乾柿在前榛實乾桃次之第三行菱在前芡栗次之

右十豆為三行以左為上

第一行芹菹在前荀菹葵菹菁菹次之第二行蕪在前蒿

苳松脯次之第三行

豔脯在前 醬次之 俎二一在籩前一在豆前

實以 籩

二簋二在籩豆外二俎間籩在左簋在右

籩實以稻梁在稱前 籩

實以黍稷設犧尊四象尊四為二重在殿上之左稍前

以右為上犧尊在前皆有坫加勺冪為酌尊

犧尊一實明水為上

尊餘實泛齊代以供內法酒初獻酌之象尊一實明水為上尊餘實醴齊代以祠祭法酒亞終獻酌之又

設太尊二山尊二在神位前

太尊一實泛齊山尊一實醴齊各以一尊實明水

著尊二犧尊二象尊一壺尊六在殿下

著尊一實盞齊犧尊一實

醴齊象尊一實沉齊各以一尊實明水壺尊三實玄酒三實三酒明水玄酒皆在上

俱隨神位所

向以右為上加冪五齊三酒皆設而不酌太常設燭於

神位前洗二於殿下之左

盥洗在東爵洗在西

罍在洗東加勺篚

在洗西實以巾

若爵洗之篚則又實以爵加坩

執壘篚者位尊後又設

揖位於殿門外三獻官在右監察御史大樂令奉禮郎

太祝太官令在左積燎柴於殿門外之左稍前設望燎

位於燎柴之後三獻官當中監察御史在右大樂令奉

禮郎太祝在左設三獻官席位於殿下之左監察御史

太樂令席位於殿下當中隨神位所向奉禮郎太祝太

官令在其後光祿少卿席位於監察御史之左又設監

察御史位於殿上前楹之右奉禮郎太祝在左相向立

大樂令於樂簾前太官令於酌尊所俱隨神位所向

省饌

前祀一日行事執事官集初獻齋所肆儀太祝習讀祝

文及視幣訖次禮直官贊者引行事執事官就齋宮內

省饌位

凡初獻行事禮直官引餘官贊者引

立定禮直官贊揖所司省饌

具畢禮直官贊省饌畢揖訖俱還齋所次引監察御史

詣厨視祭酒器滌漑乃還齋所晡後有司帥其屬掃除

宮之內外訖還齋所

行事

祀日丑前五刻

行事春冬用丑時七刻秋夏用丑時一刻

太官令帥其屬實

饌具畢次引光祿少卿入詣殿庭席位立贊者曰再拜

光祿少卿再拜升殿點視禮饌畢次引監察御史升殿

點閱陳設糾察不如儀者次樂正帥登歌工人升殿各

入就位光祿少卿還齋所餘官各服其服次引行事執

事官詣殿門外揖位立定禮直官贊揖次引大樂令先

入就殿下席位立贊者曰再拜大樂令再拜升殿就位

次引監察御史奉禮郎太祝太官令次引三獻官各入
就殿下席位立禮直官稍前贊曰有司謹具請行事凝
安之樂作三成止贊者曰再拜在位者皆再拜次引監
察御史奉禮郎太祝太官令升殿各就位立定次引初
獻詣盥洗位同安之樂作

凡初獻升降行止
皆作同安之樂

至位立將

笏盥手帨手執笏詣牲俎神位前立樂止明安之樂作
搯笏跪次引奉禮郎詣神位之左搯笏跪執事者以幣
授奉禮郎奉禮郎奉幣授初獻訖執笏興復位初獻受

幣奠訖執笏俛伏興少退再拜樂止初獻將降階樂作復位樂止少頃引初獻再詣盥洗樂作至位搯笏盥手
祝手執笏詣爵位立搯笏洗爵拭爵以授執事者執笏升詣酌尊所立樂止成安之樂作執事者以爵授初獻
搯笏執爵執尊者舉冪太官令酌犧尊之泛齊初獻以爵授執事者執笏詣牲神位前立搯笏跪執事者以爵授初獻初獻初獻爵三祭酒奠爵執笏俛伏興少立樂
止次引太祝詣神位之右搯笏跪讀祝文讀訖執笏興

復位初獻再拜將降階樂作復位樂止次引亞獻詣盥
洗位立搯笏盥手帨手執笏詣爵洗位立搯笏洗爵拭
爵以授執事者執笏升詣酌尊所立成安之樂作執事
者以爵授亞獻亞獻搯笏執爵執尊者舉冪太官令酌
象尊之醴齊亞獻以爵授執事者執笏升詣牲鼎神位
前立搯笏跪執事者以爵授亞獻亞獻執爵三祭酒奠
爵執笏俛伏興少退再拜樂止降復位次引終獻詣洗
升殿行禮並如亞獻之儀復位禮直官曰賜福酒贊者

承傳曰賜福酒再拜在位者皆再拜送神凝安之樂作
一成止次引三獻官詣望燎位有司詣神位前取幣祝
版置於燎柴次引監察御史太樂令奉禮郎太祝詣望
燎位立定禮直官曰可燎火燎半柴引初獻以下詣殿
門外揖位立禮直官贊禮畢揖訖退太官令帥其屬徹
禮饌監察御史詣殿監視收徹訖退

政和五禮新儀卷六十九

欽定四庫全書

政和五禮新儀卷七十

吉禮

祀九宮貴神儀

時日

齋戒

陳設

省饌器

奠玉幣

進熟

望燎

時日

太常寺預於隔季以仲春仲秋祀九宮貴神闕太史局
太史局擇日報太常寺太常寺參酌訖具時日散告

齋戒

前祀十日受誓戒于尚書省其日五鼓贊者設位版於

公相廳下吏部尚書在左刑部尚書在右並南向初獻
亞獻終獻位於其南稍東北向西上監察御史位於其
西稍北東向光祿卿兵部工部郎中大樂令光祿丞位
於其南稍西北向東上

大樂令光祿丞位稍却

奉禮郎太祝郊社

太官令位於其東西向北上質明禮直官贊者引行事
執事官就位立定禮直官引吏部尚書由公相廳降階
就位禮直官贊揖在位者對揖吏部尚書揖笏勿讀誓文
云某月某日記九宮貴神各揚其職不共其事國有常

刑讀訖執笏禮直官贊者奉禮郎太祝郊社太官令先

退餘官對拜乃退

若冬祀大禮年遣官分祀則與祀官與親祠行事執事官同受誓戒於祠

堂散齋七日治事如故宿於正寢不弔喪問疾作樂判

書刑殺文書決罰罪人及與穢惡致齋三日

光祿卿丞郊社太官

令齋一日二日於本司

無本司者於太常齋舍質明至齋所

惟祀事得行其餘

悉禁前祀一日質明俱赴祠所齋宮官給酒饌祀官已齋而闕者通攝行事

陳設

前祀三日儀鸞司設行事執事官次於壇壝門外隨地之宜設饌幔於內壝東門外道北南向前二日光祿牽牲詣祠所前一日郊社令帥其屬掃除壇之上下太常

設神位席太史設神位版於壇之上下

凡設神位版皆郊祀令監視

太常設祭器

凡設祭器皆藉以席蓬豆又加巾蓋

以俟告潔

祭畢俱徹

光祿陳

牲於卯階之東南內壝內西向祝史各位於牲後太常設省牲位於牲西三獻官在南北向光祿卿兵部工部郎中大樂令光祿丞奉禮郎太祝郊社太官令在南北

向俱西上

凡設大樂令光祿丞以下位皆稍却

監察御史於光祿卿之西

少絕光祿陳禮饌於壇之東南北向西上監察御史在

西東向光祿卿兵部工部郎中大樂令光祿丞奉禮郎

太祝郊社太官令在東西向北大晟設登歌之樂於

壇上稍南北向祀日丑前五刻禮直官贊者諸司職掌

各服其服太常設神位席太史設神位版於壇上席以

橐栝

上元己亥戊申丁己丙寅乙亥甲申癸己中元壬寅辛己庚寅己己戊寅丁亥丙申下元乙己甲申

癸亥壬申辛己戊寅太乙在正北軒轅在正東咸池在正西天一在正南青龍在西北大陰在東北攝提在西

南招搖在東南天符在正中上元庚子己酉戊午丁卯
丙子己酉甲午中元癸卯壬子辛酉庚午己卯戊子丁
酉下元丙午己卯甲子癸酉壬午辛卯天一在正北攝
提在正東青龍在正西太乙在正南天符在西北咸池
在東北太陰在西南軒轅在東南招搖在正中上元辛
丑庚戌己未戊辰丁己丙戌乙未中元甲辰癸丑壬戌
辛未庚辰己丑戊戌下元丁亥丙辰乙丑甲戌癸未壬
辰太陰在正北太一在正東天符在正西咸池在正南
招搖在西北青龍在東北天一在西南攝提在東南軒
轅在正中上元壬寅辛亥庚申己巳丙寅丁亥丙申中
元乙己甲寅癸未壬申辛己庚寅下元己亥戊申丁巳
戊寅乙亥甲申癸巳咸池在正北天一在正東招搖在
正西青龍在正南軒轅在西北天符在東北太陰在西
南太一在東南攝提在正中上元癸卯壬子辛酉庚午
乙卯戊子丁酉中元丙午乙卯甲子癸酉壬午辛卯下
元庚子己酉戊午丁卯丙午乙酉甲午青龍在正北太

陰在正東軒轅在正西天符在正南攝提在西北招搖
在東北咸池在西南天一在東南太一在正中上元甲
辰癸丑壬戌辛未庚辰己丑戊戌中元丁未丙辰乙丑
甲戌癸未壬辰下元辛丑庚戌己未戊辰丁丑丙戌乙
未天符在正北咸池在正東攝提在正南招搖在正西
太一在西北軒轅在東北青龍在西南太陰在東南天
一在正中上元乙己甲寅癸亥壬申辛巳庚寅中元己
亥戌甲丁巳丙寅乙亥甲申癸巳下元壬寅辛未庚申
己巳戊寅丁亥丙申招搖在正北青龍在正東太一在
正西軒轅在正南天一在西北攝提在東北天符在西
南咸池在東南太陰在正中上元丙午乙卯甲子癸酉
壬午辛卯中元庚子己酉戊午丁卯丙子乙酉甲午下
元癸卯壬子辛酉庚午己卯戊子丁酉軒轅在正北天
符在正東天一在正西攝提在正南太陰在西北天一
在東北招搖在西南青龍在東南咸池在正中上元丁
未丙辰乙丑甲戌癸未丙辰乙丑甲戌癸未壬辰中元

辛丑庚戌己未戊辰丁丑丙戌乙未下元甲辰癸丑壬戌
辛未庚辰己丑戊戌攝提在正北招搖在正東軒
轅在西南天符在東南青龍在正中
太常陳玉於神位之左
玉以圭璧盛匣燔玉用珉

禮神之玉奠於神前燔玉加以幣陳幣篚各於神位之

左

太一以黑攝提以黃軒轅以青招搖以練天符以纁青龍以紫咸池以太陰以紅天一以赤祝版

各於神位之右置於坵次設祭器光祿實之每位各左

十有二籩為三行以右為上

第一行形鹽在前魚鱗糗餌粉養次之第二行榛實

乾挑在前乾棗乾棗次之第三行菱在前芡栗鹿脯次之

右十有二豆為三行以左

為上

第一行芹菹在前筍菹葵菹菁菹次之第二行韭菹在前醢食魚醢兔醢次之第三行豚拍在前鹿

鬻醢醢糝

俎二一在籩前

實以羊腥七体兩髀兩肩兩脊并脊兩髀在兩端兩肩兩

脅次之

一在豆前

實以豕腥七體其載如羊

又俎四在右為二重

第一

重一實以羊熟腸胃肺離肺離肺一在上端扞肺三次之腸三胃三又次之一實以豕腥膚九橫載第二重一

實以羊熟腸胃肺一實以豕熟膚其載如腥皆羊在左豕在右

登一在籩豆間

實以大羹

二簋二在籩豆外簋在左簋在右

簋實以稻梁梁在稻前簋實以黍稷稷在

黍前設犧尊五象尊五為三重在壇上東南隅北向西上

犧尊在前皆有坫加勺冪為酌尊

犧尊一實明水為上尊餘實泛齊代以供

內法酒初獻酌之象尊一實明水為上尊餘實醴齊代以祠祭法酒亞獻酌之

又設太尊二山

尊二在神位前

太尊一實泛齊山尊一實醴齊各以一尊實明水

著尊二犧尊

二在壇第一成

著尊一實益齊犧尊一實醴齊各以一尊實明水

象尊二壺尊

六在壇下

象尊一實沉齊一實明水壺尊三實玄酒三實三酒明水玄酒皆在上

各隨神

位所向皆加幂五齊三酒設而不酌太常設燭於神位

前設俎十有八於饌慢內設二洗於郊階東北向

盥洗在東爵洗

在西壘在洗東加勺篚在洗西南肆寔以巾

若爵洗之篚則又實以爵

加站執壘篚者位於其後又設揖位於卯階之東內壇外

如省牲位

惟不設光祿卿丞郊社令位

積柴於燎壇設望燎位於其

北三獻官在北南向西上監察御史在西東向兵部工部郎中大樂令奉禮郎太祝在東西向北上又設三獻官席位於卯階之東北西向南上兵部工部郎中席位於卯階之東南西向北上監察御史大樂令席位於午階之南北向奉禮郎太祝太官令位於其後俱西上光祿卿席位於監察御史之東北向又設監察御史位於壇上樂簾之北在西東向奉禮郎太祝在東西向北上大樂令在樂簾之北太官令在酌尊所俱北向

省牲器

前祀一日行事執事官集初獻齋所肄儀太祝習讀祝文視玉幣及神位版訖並赴壇所各就次禮直官贊者

分引行事執事官詣壇東省牲位

凡初獻行事禮直官引餘官皆贊者引

立定禮直官贊揖次引監察御史自卯階

凡行事執事官升降皆自

階卯視滌濯執事者舉冪曰潔降復位禮直官稍前曰告

潔畢請省饌太祝出班巡牲一匝詣初獻前西向躬曰充退復位光祿丞出班巡牲一匝詣初獻前南向躬曰

臚退復位禮直官贊省牲畢請詣省餼位揖訖引行事
執事官各就位立定禮直官贊揖所司省餼具畢禮直
官贊省饌畢訖俱還齋所光祿丞太祝以次牽牲詣厨
授太官令次引監察御史詣厨省鼎鑊視祭器滌漑乃
還齋所未後一刻太官令帥宰人以鸞刀割牲遂烹牲
晡後郊社令帥其屬掃除壇之上下訖還齋所

奠玉幣

祀日丑前五刻

行事春用丑前七刻秋用丑時一刻

初獻以下並赴壇所

就次郊社令先入視設神位版訖退次太官令帥其屬
實饌具畢次引光祿卿入詣午階南席位北向立贊者
曰再拜光祿卿再拜升壇點視禮饌畢次引監察御史
升壇點閱陳設糾察不如儀者

凡點視點閱皆先詣太一位

樂正帥

登歌二人升卯階各就位光祿卿還齋所餘官各服祭
服次引行事執事官各就卯階東內壝外揖位立定禮
直官贊揖次引大樂令先入就午階南席位北向立贊
者曰再拜大樂令再拜升壇就位次引監察御史奉禮

郎太祝太官令入就午階南席位北向立次引三獻官
兵部工部郎中入就卯階東席位西向立禮直官稍前
贊有司謹具請行事景安之樂作六成止太常升烟燔
牲首贊者曰再拜在位者皆再拜次監察御史奉禮郎

太祝太官令俱升壇各就位立定

太官令就太
一官酌尊所

次引初

獻詣盥洗位正安之樂作

凡初獻升降行止
皆作正安之樂

至洗位北

向立搯笏盥手帨手訖執笏升壇詣太一神位前立樂

止嘉安之樂作初獻搯笏跪次奉禮郎詣前搯笏跪執

事者以玉幣授奉禮郎奉禮郎奉玉幣授初獻執笏興
先詣次位前立初獻受玉幣訖執笏俛伏興再拜樂止
次詣攝提軒轅招搖天符青龍咸池太陰天一神位前
立奠玉幣如上儀樂止奉禮郎復位初獻將降壇樂作
復位樂止

進熟

祀日有司設鼎十有八於神厨各在鑊右光祿帥進饌
者詣厨以匕升羊於鑊寔於一鼎

肩臂膈脰脰正脊一
直脊一橫脊一長脊一

一短脅一代脅
一皆二脅以並

次升豕如羊實於一鼎

逐壇羊豕
各一鼎

皆設

高罍祝史對舉入設於饌幔內俟初獻既升奠玉幣入

陳於坤階下西向南上祝史抽高委於鼎右除罍初鼎

序入有司執匕及俎以授至坤階下俎各設於鼎西匕

加於鼎光祿以匕升羊載於一俎

肩膊膾在上端脰脰
在下端脊脅在中

次升豕如羊載於一俎

逐壇羊豕
各一俎

鼎先退次引兵部工

部郎中詣坤階下搢笏奉俎

兵部奉羊
工部奉豕

升壇豐安之樂

作詣太一神位前跪奠先薦羊次薦豕各執笏俛伏興

有司設於豆右腸胃膚之前

羊在左
豕在右

次詣次位前奉俎

並如上儀樂止俱降復位次引初獻再詣盥洗位樂作
至洗位北向立搯笏盥手悅手執笏次詣爵洗位北向
立搯笏洗爵拭爵以授執事者執笏升詣太一位酌尊
所立樂止嘉安之樂作執事者以爵授初獻初獻搯笏
執爵執尊者舉幕太官令酌犧尊之泛齊先詣次位酌
尊所立初獻以爵授執事者執笏詣太一神位前搯笏
跪執事者以爵授初獻執爵祭酒奠爵執笏悅伏興少

立樂止次引太祝詣神位前搯笏跪讀祝文讀訖執笏興先詣次位前立初獻再拜次詣次位並如上儀樂止太官令復詣太一位酌尊所太祝復位初獻將降壇樂作復位樂止次引亞獻詣盥洗位北向立搯笏盥洗爵拭爵以授執事執手執笏詣爵洗位北向立搯笏洗爵拭爵以授執事執笏升詣太一位酌尊所立又安之樂作執事者以爵授亞獻亞獻搯笏執爵執尊舉罍太官令酌象尊之醴齊訖先詣次位酌尊所立亞獻以爵授執事者執笏詣太

一神位前立搢笏跪執事者以爵授亞獻亞獻執爵三
祭酒奠爵執笏俛伏興再拜次詣次位酌獻並如上儀
樂止降復位次引終獻詣洗及升壇行禮並如亞獻之
儀降復位禮直官曰賜福胙贊者承傳曰賜胙再拜在
位者皆再拜訖送神景安之樂作一成止

望燎

初景安之樂畢引三獻官兵部工部郎中詣望燎位有
司各詣神位前取玉幣祝版置於燎壇次引監察御史

大樂令奉禮郎太祝降壇詣望燎位立定禮直官曰可
燎火燎半柴次引初獻以下詣東壇門外揖位立禮直
官贊禮畢揖訖退太官令帥其屬徹禮饌監察御史詣
壇監視收徹訖還齋所光祿以胙奉進監察御史就位
展視訖光祿卿望闕再拜訖乃退

政和五禮新儀卷七十

欽定四庫全書

政和五禮新儀卷七十一

吉禮

祀熒惑儀

時日

齋戒

陳設

省牲器

奠玉幣

進熟

望燎

時日

太常寺預於隔季以立夏祀熒惑闕太史局太史局以
其日報太常寺太常寺參酌訖具時日散告

齋戒

前祀十日受誓戒於尚書省其日五鼓贊者設位版於

公相廳下吏部尚書在左刑部尚書在右並南向初獻
亞獻終獻位於其南稍東北向西上監察御史位於其
西稍北東向光祿卿兵部工部郎中大樂令光祿丞位
於其南稍西北向東上

大樂令光祿丞位稍却

奉禮郎太祝郊社

太官令位於其東西向北上質明禮直官贊者引行事
執事官就位立定禮直官引吏部尚書由公相廳降階
就位禮直官贊揖在位者對揖吏部尚書搢笏讀誓文
云某月某日立夏祀燹惑各揚其職不共其事國有常

刑讀訖執笏禮直官贊奉禮郎太祝郊社太官令先退
餘官對拜乃退散齋七日治事如故宿於正寢不弔喪
問疾作樂判書刑殺文書決罰罪人及與穢惡致齋三
日光祿卿丞郊社太官令齋一日二日於本司無本司者於太常齋舍質明至齋所惟祀
事得行其餘悉禁前祀一日質明俱赴祠所齋宮官給
酒饌祀官已齋而闕者通攝行事

陳設

前祀三日儀鸞司設行事執事官次於壇壝門外隨地

之宜設饌幔於內壝北門外道東西向前一日光祿牽牲詣祠所前一日郊社令帥其屬掃除壇之上下太常

設神位席太史設神位版於壇上

凡設神位版亦皆郊社令監視

太常

設祭器

凡設祭器皆藉以席邊豆又加巾蓋

以俟告潔

既畢

光祿陳牲於

卯階之東南內壝外西向祝史各位於牲後太常設省牲位於牲西三獻官在南北向光祿卿兵部郎中太常令光祿丞奉禮郎太祝郊社太官令在北南向俱西上

凡設大樂令以下位皆稍却

監察御史於光祿卿之西少絕光祿陳

禮饌於壇之東南內壝外南向太常設省饌位版於禮
饌之南三獻官在南北向西上監察御史在西東向先
祿卿兵部工部郎中大樂令光祿丞奉禮郎太祝郊社
太官令在東西向北上大晟設登歌之樂於壇上稍南
北向祀日丑前五刻禮直官贊者諸司職掌各服其服
太常設神位席太史設神位版熒惑位於壇上北方南
向席以橐栝闕伯位於壇上東方西向席以莞太常陳
玉於神位之左

玉以圭璧盛
匣燔玉用珉

禮神之玉奠於神前燔玉

加於幣

配位不用玉

陳幣篚各於神位之左

幣以赤

祝版各於

神位之左置於坫次設祭器光祿實之每位各左十有

二籩為四行以右為上

第一行魚鱸在前糗餌粉簋次之第二行乾菴在前乾棗形鹽

次之第三行鹿脯在前榛實乾桃次之第四行菱在前芡栗次之

右十有二豆為四行

以左為上

第一行芹菹在前荀菹葵菹次之第二行菁菹豚拍次之第四行鹿

鷩在前醢醢糝食次之

俎二一在籩前

實以羊腥七體兩髀兩肩兩脅

并脊兩髀在兩端兩肩兩脅次之脊在中

一在豆前

實以豕腥七體具載如羊

又俎四在

豆右為二重以北為上

第一重實以羊腥腸胃肺雜肺一在上端刲肺三次之腸三胃

三又次之一實以豕脰九膚橫載第三重一實以羊熟腸肺一實以豕熟膚其載如脰皆羊在左豕在右若配

位即以登一在籩豆間實以大羹槃一在登前實以毛血簋二簋

二在籩豆外二俎間簋在左簋在右籩實以稻梁梁在稻前簋實以黍稷

稷在黍前設犧尊五象尊五為二重在壇上東南隅北向西

上配位即設於正位酒尊之東犧尊在前皆有坫加勺冪為酌尊犧尊

一實明水為上尊餘實泛齊代以餼內法酒初獻酌之象尊一實明水為上尊餘實醴齊代以祠祭法酒亞獻

終獻又設太尊二山尊二在神位前象尊一實泛齊山尊一實醴齊各以

一尊實著尊二犧尊二在壇下午階之西著尊一實盞齊犧尊一實

明水

醴齊各以一尊實明水若配位即在壇下西階之北象尊二壺尊六在壇下午階

之東

象尊一實明水一實沉齊壺尊三實玄酒三實三酒明水玄酒皆在上若配位即在壇下西階之南

俱北向西上

若配位即東向北上

加幂五齊三酒設而不酌太常

設燭於位前設俎四於饌幔內洗二於卯階東北向

盥洗

在東爵洗在西

壘在洗東加勺篚在洗西南肆實以巾

若爵洗之篚則

又實以爵加站

執壘篚者位於其後又設揖位於卯階之東內

壝之外如省牲位

惟不設光祿卿丞郊社令位

積柴於燎壇設望燎

位於卯階之東南內壝之內三獻官在北南向西上監

察御史在西東向兵部工部郎中大樂令奉禮郎太祝
在東西向北上又設三獻官席位於卯階之東北西向
南上兵部工部郎中席位於卯階之東南西向北上設
監察御史大樂令席位於午階之南北向奉禮郎太祝
太官令位於其後俱西上光祿卿席位於監察御史之
東北向又設監察御史位於壇上樂簾之北在西東向
奉禮郎太祝在東西向北上大樂令位樂簾北太官令
位酌尊所俱北向

省牲器

前祀一日行事執事官集初獻齋所肄儀太祝習讀祝文視玉幣及神位版訖並赴壇所各就次禮直官贊者

分引行事執事官詣壇東省牲位

凡初獻行事禮直官引餘官皆贊者引

立定禮直官贊揖次引監察御史升自卯階

凡行事執事官升降

皆自卯階

視滌濯執事者舉冪曰潔降復位禮直官稍前曰

告潔畢請省牲太祝出班巡牲一匝詣初獻前西向躬

曰充退復位光祿丞出班巡牲一匝詣初獻前西向躬

曰臚退復位禮直官贊省牲畢請詣省饌位揖訖引行事執事官各就位立定禮直官贊揖所司省饌具畢禮直官贊省饌畢揖訖俱還齋所光祿丞太祝以次牽牲詣厨投太官令次引監察御史詣厨省鼎鑊視祭器滌溉乃還齋所未後一刻太官令帥宰人以鸞刀割牲祝史以槃取毛血置於饌所遂烹牲晡後郊社令帥其屬掃除壇之上下訖還齋所

奠玉幣

祀日丑前五刻

行事用丑時一刻

初獻以下並赴壇所就次郊

社令先入視設神位版訖退次太官令帥其屬實饌具畢次引光祿卿入詣午階南席位北向立贊者曰再拜

光祿卿再拜升壇點視禮饌畢次引監察御史升壇點

視陳設糾察不如儀者

凡點視及點閱皆先詣正位

樂正帥登歌工

人升卯階各就位光祿卿還齋所餘官各服祭服次引行事執事官各就卯階東內壝外揖位立定禮直官贊揖次引大樂令先入就午階南席北向立贊者曰再拜

大樂令再拜升壇就位次引監察御史奉禮郎太祝太
官令入就午階南席位北向立次引三獻官兵部工部
郎中入就卯階東席位西向立禮直官稍前贊有司謹
具請行事景安之樂作六成止太常升煙燔牲首贊者
曰再拜在位者皆再拜次引監察御史奉禮郎太祝太
官令俱升壇各就位立定太官令就正位酌尊所次引初獻詣盥
洗位正安之樂作凡初獻升降行止皆作正安之樂至洗位北向立搢
笏盥手帨手訖執笏升壇詣熒惑神位前北向立樂止

嘉安之樂作搢笏跪次引奉禮郎搢笏西向跪執事者以玉幣授奉禮郎奉禮郎奉玉幣授初獻執事興先詣闕伯神位前北向立初獻受玉幣奠訖執笏俛伏興再拜次詣闕伯神位前東向立

初獻詣配位准此

奠幣如上儀樂止奉禮郎復位初獻將降壇樂作復位樂止

進熟

祀日有司設鼎四於神厨各在鑊右光祿帥進饌者詣厨以七升羊於鑊實於一鼎

肩臂臑肫胙正脊一直脊一橫脊一長脊一短脊一

代脅一皆
二脅以並

次升豕如羊實於一鼎

正配位羊
豕各一鼎

皆設扃幕

祝史對舉入設於饌幔內俟初獻既升奠玉幣入陳於

卯階下西向南上祝史抽扃委於鼎右除幕初鼎序入

有司執七及俎以從至卯階下俎各設於鼎西七加於

鼎光祿以七升羊載於一鼎

肩臂膈在上端肫胎
在下端脊脅在中

次升

豕如羊載於一俎

正配位羊
豕各一俎

鼎先退次引兵部工部郎

中詣卯階下搯笏奉俎

兵部奉羊
工部奉豕

升壇豐安之樂作詣

榮感神位前北向跪奠先薦羊次薦豕各執笏俛伏興

有司設於豆右腸胃膚之前

羊在左豕在右

次詣闕伯神位前

東向奉俎如上儀樂止俱降復位次引初獻再詣盥洗
位樂作至洗位北向立搯笏盥手帨手執笏次詣爵洗
位北向立搯笏洗爵拭爵以授執事者執笏升詣正位
酌尊所西向立樂止祐安之樂作執事者以爵授初獻
初獻搯笏執爵執事者舉冪太官令酌犧尊之泛齊訖
先詣配位酌尊所北向立初獻以爵授執事者執笏詣
熒惑神位前北向立搯笏執事者以爵授初獻初獻執

爵三祭酒奠爵執笏俛伏興少立樂止次引太祝詣神位前東向搢笏跪讀祝文讀訖執笏興先詣闕伯神位前南向立初獻再拜次詣闕伯神位前酌獻並如上儀樂止太官令復詣正位酌尊所太祝復位初獻將降壇樂作復位樂止次引亞獻詣盥洗位北向立搢笏盥手旣手執笏次詣爵洗位北向立搢笏洗爵拭爵以授執事者執笏升詣正位酌尊所西向立又安之樂作執事者以爵授亞獻亞獻搢笏執爵執事者舉冪太官令酌

象尊之醴齊訖亦先詣配位酌尊所北向立亞獻以爵授執事者執笏詣燹惑神位前北向立搢笏跪執事者以爵授亞獻亞獻執爵三祭酒奠爵執笏俛伏興再拜次詣閼伯神位前行禮並如上儀樂止降復位次引終獻詣洗及升壇行禮並如亞獻之儀降復位禮直官曰賜胙贊者承傳曰賜胙再拜在位者皆再拜送神理安之樂作一成止

燎望

初理安之樂畢引三獻官兵部工部郎中詣望燎位有司各詣神位前取玉幣祝版置於燎柴次引監察御史大樂令奉禮郎太祝降壇詣望燎位立定禮直官曰可燎火燎半柴次引初獻以下詣東壇門外揖位立禮直官贊禮畢揖訖退太官令帥其屬徹禮饌監察御史詣壇監視收徹訖乃退

政和五禮新儀卷七十一

欽定四庫全書

政和五禮新儀卷七十二

吉禮

祀太一宮儀

時日

齋戒

陳設

省饌

行事

時日

前期太常寺具立春日祀東太一宮散告

立夏立冬日祀中太一宮

立秋日祀西太一宮准此

齋戒

前祀十日應行事執事官散齋七日治事如故宿於正

寢不吊喪問疾作樂判書刑殺文書決罰罪人及與穢

惡致齋三日

光祿卿太官令齋一日

二日於本司

無本司於本官質明至齋所

惟祀事得行其餘悉禁前祀一日質明赴祠所齋宮官給酒饌祀官已齋而闕者通攝行事

陳設

前祀一日有司帥其屬掃除宮之內外光祿設禮饌於殿之東南南向太常設省饌供版於禮饌之南獻官在南北向分獻官位其後西上監察御史在西東向光祿卿奉禮郎太祝太官令在東西向北上

凡奉禮即以
下位皆稍却祀

日丑前五刻禮直官贊者諸司職掌各服其服太常設

幣篚各於神位之左

立春日幣以青立夏日幣以赤
立秋日幣以白立冬日幣以黑祝

版於五福太一神位之右置於坫次設祭器皆藉以席

光祿卿實之十神太一等位每位左十有二籩為三行

以右為上

第一行形鹽在前梨類餅粉饗次之第二行
榛實在前乾桃乾榛乾棗次之第三行菱在

前茨栗乾
柿次之

右十有二豆為三行以左為上

第一行芹菹
在前菹菹葵

菹菁菹次之第二行韭在前蒿苣松脯齋脯
次之第三行醢食在前瓜蠶醬糝食次之

籩二籩二

在籩豆外籩在左籩在右

籩實以稻梁梁在稻前
籩實以黍稷稷在黍前

設犧

尊五加坫在殿上東南隅北向西上加勺冪為酌尊

一實

明水為上尊餘實泛齊代以祠祭法酒獻官酌之

又設太尊二山尊二在神位

前

太尊一實泛齊山尊一實醴齊各以一尊實明水

著尊二犧尊二象尊二壺

尊六在下

著尊一實盞齊犧尊一實醴齊象尊一實沉齊各以一尊實明水壺尊三實玄酒三實三

酒明水玄酒皆在上

俱北向西上加罍五齊三酒皆設而不酌又

設從祀神位三皇五帝每位左十籩為三行以右為上

第一行形鹽在前梨榛實乾桃次之第二行乾榛在前乾棗乾脯次之第三行菱在前芡栗次之

右十

豆為三行以左為上

第一行芹菹在前荀菹葵菹菁菹次之第二行蕘在前蒿苴松脯次

之第三行蓋脯在前瓜盞醬次之

簋二籩二在籩豆外籩在左籩在右

簋實以稻梁梁在稻前
籩實以黍稷稷在黍前

爵一在神位前加坩天地水三

官九曜每位左八籩為三行以右為上

第一行形鹽在前梨次之第二

行榛實在前乾桃乾榛次之

右八豆為三行以左為上

第三行乾棗在前芡栗次之

第一行芹菹在前荀菹次之第二行葵菹在前

菁菹松脯次之第三行薺脯在前瓜薑醬次之

五嶽九真君位每位左四籩為二行以右為上

第一行形鹽在前梨次之第二

行乾棗在右四豆為二行以左為上

第一行葵菹在前菁菹次之第二行

薺脯在前

餘從祀神位每位左兩籩

栗在前梨次之

右兩豆

菁菹

在前醬次之

天地水三官以下神位皆簋一籩一在籩豆外

簋在左簋在右

簋實以黍
簋實以稷

爵一在神位前加坩

實以祠
祭法酒

每廊各設犧尊二加勺冪

一實明水一
實祠祭法酒

太常設燭於神

位前洗二於東階下直東雷北向

盥洗在東
爵洗在西

壘在洗東

加勺篚在洗西南肆實以巾

若爵洗之篚則
又實以爵加坩

設分獻官

洗於東西兩廊之北

東西各
一洗

執壘篚者各位於其後又

設揖位於殿東偏門外獻官在道南北向

中太一宮西
太一宮即道

西東

分獻官在於後監察御史奉禮郎太祝太官令在

道北南向俱西上

中太一宮西太一宮
即道東西向北上

設燎柴於殿東

南設望燎位於其北獻官在北南向分獻官在其後西
上監察御史在西東向奉禮郎太祝在東西向北上設
獻官席位於殿下東階之東西向分獻官在其後北上
監察御史席位於殿庭之南北向奉禮郎太祝太官令
在後西上光祿卿在其東北向又設監察御史位於殿
上前楹西東向奉禮郎太祝在東西向北上太官令位
於酌尊所北向

省饌

前祀一日行事執事官集獻官齋所肄儀太祝習讀祝

文及視幣次禮直官贊者分引行事執事官詣殿東南

省饌位

凡獻官行事禮直官引餘官皆贊者引

立定禮直官贊揖所司省

饌具畢禮直官贊省饌畢揖訖俱還齋所次引監察御史入詣厨視祭器滌漑乃還齋所晡後所司掃除宮之

內外

行事

祀日丑前五刻

行事春冬用丑時七刻夏秋用丑時一刻

次太官令帥其屬

實饌具畢次引光祿卿入詣殿庭席位北向立贊者曰

再拜光祿卿再拜升自東階

凡行事執事官
升降皆自東階

點視禮饌

畢次引監察御史升殿點閱陳設糾察不如儀者

凡點
視及

點閱皆先詣
五福太一位

光祿卿還齋所餘官各服祭服次引行事

執事官詣殿東偏門外揖位立定禮直官贊揖次引監

察御史奉禮郎太祝太官令入就殿下席位北向立次

引獻官分獻官各入就殿下席位西向立禮直官稍前

贊有司謹具請行事贊者曰再拜在位者皆再拜次引

監察御史奉禮郎太祝太官令升殿各就位立定次引
獻官詣盥洗位北向立搯笏盥手帨手執笏升殿詣五
福太一神位前北向立搯笏跪次引奉禮郎搯笏西向
跪執事者以幣授奉禮郎奉禮郎奉幣授獻官訖執笏
興先詣君基太一神位前西向立獻官受幣奠訖執笏
俛伏興再拜次詣君基太一次詣大遊太一次詣小遊
太一次詣天一太一次詣地一太一次詣四神太一次
詣臣基太一次詣民基太一次詣直符太一神位前奠

幣如上儀俱復位

中太一宮帥次詣歲
德位後酌獻准此

少頃引獻官詣

盥洗位北向立搯笏盥手幌手執笏詣爵後位北向立
搯笏洗爵拭爵以授執事者執笏升殿詣五福太一神
位酌尊所西向立執事者以爵授獻官搯笏執爵執尊
者舉窳太官令酌犧尊之泛齊訖先詣君棊太一位酌
尊所北向立獻官以爵授執事者執笏詣五福太一神
位前北向立搯笏跪執事者以爵授獻官獻官執爵三
祭酒奠爵執笏俛伏興少立次引太祝詣神位前東向

搢笏跪讀祝文讀訖執笏興復位獻官再拜次詣每位

酌獻並如上儀

惟不讀祝文

俱復位獻官再詣洗位將升次

引分獻官詣盥洗位搢笏盥手帨手執笏詣從祀神位
前搢笏跪執爵三祭酒奠爵執笏俛伏興再拜詣次位
並如上儀退復位次引獻官分獻官詣望燎位有司詣
神位前取幣祝版置於燎柴次引監察御史奉禮郎太
祝詣望燎位立定禮直官曰可燎火燎半柴次引獻官
以下詣殿東偏門外揖位立定禮直官贊禮畢揖訖退

太官令帥其屬徹禮饌監察御史詣殿監視收徹訖退

政和五禮新儀卷七十二